

'na tonda ai pòrtei...

en sol che sluse
e 'n calt che taca
'na tonda 'nsema
'nden bel paes

dedrè a 'n canton
via par 'na frauna
gh'é 'n cogn de sas
che rege 'l ciel

e la ragiera
la sconde nivi
de rose rosse
de umori dolci

gh'e' drè 'n bel viver
pasá via 'l portech
endei sorisi
de 'ste putele

e 'l dindonar
de festa granda
fá sentir fisi
cöri che bròa

me gato ciacere
che sá de casa
e snaso odori
de 'n magnar san

e 'l dolc profumo
che tira 'l pas
ne averge 'n bombo

pien de dolceze

‘na tonda ai pòrtei...

e arent a mi
le man ‘nle man
me porto ‘n fior
che sluse al sol

l’è ‘n fior selvadec
che sá de mel
ma ‘l lasa ‘n boca
‘n saor seren

no sai se ‘l cogn
l’aba ‘utá
ma ‘l viac a Den
l’è ‘n pas dré al cör

Giuliano

Questo/a opera è pubblicata con una Licenza Creative Commons

